

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### INGURUMEN ETA HIRIGINTZA SAILA

**Foru Gobernu Kontseiluaren 580/2019 Erabakia, irailaren 17koa. Onestea esleii dadila 2019-2020ko ekitaldirako energia jasagarritasuneko ekintzak bultzatzeko dirulaguntza lerro bat, eta berresleii dadila hasieran aurreikusitako zenbatekoa: 2019ko zenbatekoa 16.550,14 euro handitzea eta 2020ko zenbatekoa 50.946,97 euro murriztea**

Foru Gobernu Kontseiluaren apirilaren 9ko 23/2019 Foru Dekretuak onetsi egin zuen energia iraunkortasuneko ekintzak sustatzeko dirulaguntza lerroaren oinarri arautzaileen aldaketa (ekainaren 26ko Kontseiluaren 31/2018 Foru Dekretuak onetsia), eta 2019-2020ko ekitaldirako deialdia.

Ebazpen honek bete egiten du oinarri horietan dagoena, zehazki honako hauetan jasotakoa: "7. Dirulaguntzak emateko prozedura. Eskaerak baloratzeko eta dirulaguntzak emateko irizpideak. Dirulaguntzen zenbatekoa" eta "8. Eskaerak izapidetzeko eta ebazteko eskumena daukan organoa. Eskaeren epeak eta epe barruan ez ebaztearen ondorioak".

Laguntza lerroak honako jardun mota hauek lagunduko ditu diruz:

1. mota. Eraikin eta ekipamenduen inbentario energetikoak egitea, parke mugikor eta argiteria publikoko instalazioak, kontsumoen kontrola, ikuskaritza energetikoa, eraginkortasun energetikoko ziurtagiriak, jardun energetikoen planak eta hiri mugikortasuneko planak.

2. mota. Monitorizazio ekipoak, ordu programazioa, urruneko kontrola eta antzeko baliabideak ezartzea, kontsumitzen den energia benetako beharrianetara egokitzeko.

3. mota. Eguzki bidezko argizatze ekipamendua.

4. mota. Energia berriztagarrien aprobetxamenduko instalazioak eta ekipamendua, aprobetxamendu termikoko eta elektrizitatea sortzeko sistemak barne: eguzki energia termikoa, eguzki energia fotovoltaiakoa, minieolikoa, biomasa, geotermia eta minihidraulikoa.

5. mota. Bideragarritasun azterlanak eta instalazioen proiektu teknikoak idaztea, eguzki energia termikoa, eguzki energia fotovoltaiakoa, minieolikoa, biomasa, geotermia eta minihidraulikoa aprobetxatzeko, baita erabilera publikoko karga elektrikoko azpiegiturak ere.

6. mota. Ibilgailu elektrikoetarako karga puntuak instalatzea, bizikletentzakoak barne. Kargatzeko puntuak erabilera publikorako izango dira edo erakunde onuradunaren ibilgailuetan erabiltzeko.

7. mota. Ibilgailu elektrikoak eskuratzea, bizikleta elektrikoak barne, erakunde publikoen titulartasun eta erabilerarako.

Proposamenak aurkezteko epea bukatu ondoren, 18 erakundek 21 dirulaguntza eskaera aurkeztu dituzte beste horrenbeste jardun garatzeko.

Aurkeztutako dokumentazioa aztertu ondoren, zenbait eskabidetan oinarrietan eskatutako dokumentazioa falta zela antzeman zen. Horrenbestez, erakunde eskatzaileei eskaera egin zitzaizen aipatutako dokumentazioa aurkez zezaten, eta ohartarazi zitzaizen hala jokatu ezean eskaera bertan behera uzten zutela ulertuko zela, aurretik ebazpena emanez, Aadministrazio Publikoen Administrazio Prozedura Erkidearen urriaren 1eko 39/2015 Legearen 68. artikulua ezarri bezala.

Maturako Administrazio Batzarrak ez du eskaera epe barruan zuzendu.

2019ko irailaren 5ean, Barrundiako Udalaren idazkia jaso genuen zeinetan berariaz uko egiten baitzitzaion deialdi honen barruan egindako laguntza eskaerari.

Eskaerei aurre egiteko gehienezko zenbatekoa 181.544,10 eurokoa da, urteka horrela banatuta:

AURREKONTU PARTIDA	URTEA	ESLEIPENA
60.2.05.64.00.762.90.04 Eraginkortasun eta kudeaketa energetikoa	2019	31.544,10 euro
60.2.05.64.00.762.90.04 Eraginkortasun eta kudeaketa energetikoa	2020	150.000,00 euro
<b>Guztira</b>		<b>181.544,10 euro</b>

Behin eskaerak jaso ondoren eta ezetsiak alde batera utzita, hona hemen jardun mota bakoitzerako guztira emandako dirulaguntzak:

JARDUN MOTA	EMANDAKO DIRULAGUNTZA (GEHIENEZ)	EHUNEKOA	2019KO URTEKOA	2020KO URTEKOA
1	50.902,57 euro	Ehuneko 34,59	23.189,65 euro	27.712,92 euro
4	64.664,25 euro	Ehuneko 43,95	23.795,63 euro	40.868,62 euro
6	23.730,94 euro	Ehuneko 16,13	1.108,96 euro	22.621,98 euro
7	7.849,51 euro	Ehuneko 5,33	0 euro	7.849,51 euro
<b>Guztira</b>	<b>147.147,27 euro</b>	<b>Ehuneko 100,00</b>	<b>48.094,24 euro</b>	<b>99.053,03 euro</b>

Balorazio Mahaia aurkeztutako eskaerak aztertzen ari da eta puntuazioa eman die zazpigarren oinarrian ezarritako irizpideen arabera, proposamenek gutxieneko kalitate teknikoa dutela ziurtatzeko eta erabakitzeke zein eskaerei emango zaien laguntza eta zein geratuko diren laguntzarik gabe dagoen aurrekontua agortutakoan. Zazpigarren oinarrian ezarritako balorazio irizpideak honako hauek dira:

A) Proposatutako jardunaren kalitatea eta bideragarritasun teknikoa; 40 puntu gehienez.

b) Inbertsioaren eraginkortasuna, honela neurtuta: energia aurrezpena kostuarekiko erlazioan; 30 puntu gehienez.

C) Jarduna zenbateraino den berritzailea eta esperientzia pilotua izateko aukera duen; 10 puntu gehienez.

D) Jasangarritasuneko edo energia aurrezteko eta energia eraginkortasuna hobetzeko toki erakundeak onartutako planaren barruan egotea jarduna; 10 puntu gehienez.

E) Erakunde onuradunak 500 biztanle baino gutxiago izatea: 10 puntu gehienez.

Emandako puntuazioen zerrenda I. eranskinean dago.

Aurrekontua erabilgarri izango duten eskaera guztiek oinarriek jasotako gutxieneko puntuazioa lortu dute: 28 puntu 1., 2., 3., 5. eta 7. motako jardunek, eta 50 puntu energia berriztagarrien aprobetxamendurako ekipamenduek eta instalazioek eta ibilgailu elektrikoak kargatzeko puntuek (4. eta 6. motak).

Zenbat puntu eman den, hainbeste laguntza esleitzen da, harik eta aurrekontu zuzkidura agortu arte. Eman beharreko dirulaguntzak eta haien urteko kuoten arabera "Emandako dirulaguntzak" I. eranskinean jasotzen dira.

Urte bakoitzean emandako dirulaguntzak eskaera egin duten erakunde onuradunek adierazitako gastu aurreikuspenaren arabera eman dira. Ondorioz, emandako esleipena eta hasierako esleipena ez datoz bat. Hori dela eta, dirulaguntza lerro honetarako esleitutako urteko kopuruak berresleitu egingo dira, gastu aurreikuspenaren arabera izan daitezkeen. Honela geratuko dira:

MOTAK	URTEA	JATORRIZKO ESLEIPENA	ESLEIPEN BERRIA	ALDEA
Eraginkortasun eta kudeaketa energetikoa	2019	31.544,10 euro	48.094,24 euro	16.550,14 euro
Eraginkortasun eta kudeaketa energetikoa	2020	150.000,00 euro	99.053,03 euro	— 50.946,97 euro
<b>Guztira</b>	<b>Biak</b>	<b>181.544,10 euro</b>	<b>147.147,27 euro</b>	

Horregatik, Ingurumen eta Hirigintza Saileko foru diputatuak proposatuta eta Foru Gobernu Kontseiluak gaur bertan egindako bilkuran gaia aztertu ondoren, hauxe

#### ERABAKITZEN DUTE

Lehenengoa. Hasiera batean aurreikusitako zenbatekoa berresleitzea: 2019ko zenbatekoa 16.550,14 euro handitzea, eta 2020ko zenbatekoa 50.946,97 murriztea. Hortaz, zenbatekoak honela geratuko dira:

- 2019. urtea: 48.094,24 euro (Xedapen erref.: 105-1389 / 19.5.19)
- 2020. urtea: 99.053,03 euro (Xedapen erref.: 105-32 /19.6.20)

Guztira, beraz, 147.147,27 euro izango dira, Arabako Foru Aldundiaren 2019. urterako luzatutako 2018. urteko aurrekontuko 60.2.05.64.00.762.90.04 "Eraginkortasuna eta kudeaketa energetikoa" partidaren kontura.

Bigarrena. I. eranskinean (Emandako dirulaguntzak) ageri diren erakundeei laguntza horiek ematea, egin beharreko jardunak gauza ditzaten. 7. oinarri arautzailean adierazten den bezalaxe, onuradunek ebazpenean ezartzen dena onartzen dutela ulertuko da, haren jakinarazpena jasotzen dutenetik 10 egun baliodunetan dirulaguntzari idatziz uko egiten ez badiote.

Hirugarrena. II. eranskinean (Ezetsitako eskaerak) agertzen diren erakundeen eskaerak ezeste, bertan adierazten diren arrazoiengatik.

Laugarrena. Dirulaguntzen ordainketa, 9. oinarriaren arabera, haien emakidaren helburua den jarduera gauzatu dela frogatu, eta apirilaren 9ko 23/2019 Foru Dekretuaren IV. eranskinean azaltzen diren agiriak aurkeztu eta gero egingo da. 2019. urteko kopuruari dagozkion gastuak ordaintzeko eskatzen diren agiriak 2019ko azaroaren 29rako aurkeztu behar dira, eta uztailearen 17rako 2020ko kopuruari dagozkion gastuenak.

Apirilaren 1eko 23/19 Foru dekretuaren 3.8. artikulua honela dio: "Diruz lagundu daitezkeen jardunak kontratatzeko, sektore publikoko kontratuen arloan indarrean den legediak xedatutakoa bete beharko da. Kontratu txikietan (40.000 euroko balio zenbatetsitik beherakoak, obra kontratuak badira; eta 15.000 eurotik beherakoak, hornidura kontratuak edo zerbitzu kontratuak badira), erakunde onuradunak gutxienez bi eskaintza eskatu beharko dizkie lanak egiteko gai diren enpresei, eta ekonomiaren aldetik eskaintzarik onuragarriena hautatzen ez bada, hautaketa hori justifikatu beharko da."

Bosgarrena. Erabaki hau ALHAOn argitaratzea.

Gasteiz, 2019ko irailaren 17a

*Diputatu nagusia*

**RAMIRO GONZÁLEZ VICENTE**

*Ingurumen eta Hirigintza Saileko diputatua*

**JOSEAN GALERA CARRILLO**

## I. eranskina. Emandako dirulaguntzak

MOTA	ERAKUNDEA	JARDUNA	AURREKONTUA	ESKATUTAKO DIRULAGUNTZA	EMANDAKO DIRULAGUNTZA	2019KO URTEKO	2020KO URTEKO	PUNTAUZIOA, GUZTIRA
1	Laudioko Udala	4 udal eraikinen eraginkortasun energetikoaren ziurtagiria	9.680,00 euro	6.000,00 euro	6.000,00 euro	0 euro	6.000,00 euro	40,00
1	Asparreneko Udala	Energia jarduerarako udal plana	12.402,50 euro	6.000,00 euro	6.000,00 euro	2.176,98 euro	3.823,02 euro	50,00
1	Dulantziko Udala	Energia jarduerarako udal plana	10.406,00 euro	6.000,00 euro	6.000,00 euro	3.459,54 euro	2.540,46 euro	50,00
1	Burgeluko Udala	Energia jarduerarako udal plana	9.438,00 euro	6.000,00 euro	6.000,00 euro	2.860,78 euro	3.139,22 euro	50,00
1	Aguraingo Udala	Energia jarduerarako udal plana	12.402,50 euro	9.301,88 euro	6.000,00 euro	2.176,98 euro	3.823,02 euro	50,00
1	Donemiliagako Udala	Energia jarduerarako udal plana	12.765,50 euro	6.000,00 euro	6.000,00 euro	2.820,10 euro	3.179,90 euro	50,00
1	Iruraz-Gaunako Udala	Energia jarduerarako udal plana	10.708,50 euro	6.000,00 euro	6.000,00 euro	3.361,82 euro	2.638,18 euro	50,00
1	Zalduondoko Udala	Energia jarduerarako udal plana	7.925,50 euro	5.944,12 euro	5.944,12 euro	3.375,00 euro	2.569,12 euro	50,00
1	Urizaharreko Udala	Auditoretza energetikoa udal eraikinetan	3.944,60 euro	2.958,45 euro	2.958,45 euro	2.958,45 euro	0 euro	40,00
4	Amurrioko Udala	Energia elektrikoa sortzera bideratutako eguzki instalazio fotovoltaikoak, Amurrioko udal eraikinen autokontsumorako	70.000,00 euro	28.000,00 euro	28.000,00 euro	0 euro	28.000,00 euro	56,68
4	Arratzua-Ubarundiako Udala	Eguzki instalazio fotovoltaikoa Sologana kiroldegiaren autokontsumo energetikorako	32.167,28 euro	12.866,91 euro	12.866,91 euro	12.866,91 euro	0 euro	54,87
4	Bastidako Udala	Eguzki panel fotovoltaikoen sistema instalatzea	32.171,55 euro	12.868,62 euro	12.868,62 euro	0 euro	12.868,62 euro	60,00
4	Zigoitiko Udala	Osasun zentrorako biomasa galdara instalatzea	27.321,80 euro	10.928,72 euro	10.928,72 euro	10.928,72 euro	0 euro	68,43
6	Zigoitiko Udala	Ibilgailu elektrikoetarako karga puntu bat instalatzea udalaren aparkalekuan	6.655,00 euro	2.662,00 euro	2.662,00 euro	0 euro	2.662,00 euro	60,00
6	Kanpezuko Udala	Ibilgailu elektrikoetarako karga puntu bat instalatzea, bizikletak barne, Kanpezuko udalerrian.	25.506,80 euro	10.202,72 euro	10.202,72 euro	0 euro	10.202,72 euro	50,00
6	Ibargurengo AB	Ibilgailu elektrikoetarako bi karga puntu instalatzea	2.772,41 euro	1.940,69 euro	1.108,96 euro	1.108,96 euro	0 euro	50,00
6	Bastidako Udala	Ibilgailu elektrikoetarako bi karga puntu instalatzea	24.393,16 euro	9.757,26 euro	9.757,26 euro	0 euro	9.757,26 euro	50,00
7	Laudioko Udala*	Furgoneta elektrikoa eta ibilgailu utilitario konpaktu elektrikoa (motogurdia) erostea	71.624,79 euro	9.000,00 euro	7.849,51 euro	0 euro	7.849,51 euro	65,00

\* Laudioko Udalaren kasuan, ibilgailu utilitario konpaktu elektrikoa (motogurdia) bakarrik erostea sartuko da, 39.247,56 euroko aurrekontuarekin, eta Renault Kangoo furgoneta elektrikoa erostea ez da onartuko, 2018-2019ko deialdian sartu zelako.

## II. eranskina Eskaera ezetsiak

MOTA	ERAKUNDEA	JARDUNA	EZESTEAREN ARRAZOIA
1	Arabako Lautadako Kuadrilla	Energia jarduerarako eskualde plana	Ez da laguntza onuradunen artean sartzen
4	Maturanako AB	Biomasaren instalazioa eta ekipamendua herrirako	Ez da zuzendu